

KANTIK

ZANTEZ KATEL

(EUZ A ALEXANDRI)

TON : *Me laka ma c'honfians.*

DISKAN :

Zantez Katel viniget,
 Patronez evuruz,
 C'houi a zo meurbéd karet
 Gant Mari ha Jézuz :
 Gret d'emp ni karet Doué
 Ha karet hon nesa,
 Evit mont gan-ec'h eunn dé
 Enn envo da véva.

En déspet d'ho iaouankiz
 Ha d'ho zempladurez
 Ec'h eùz diskuelet dispriz
 'Vit péb fallagriez,
 'Vit holl vado ann douar,
 Holl énorio skeuduz ;
 Eunn dra 'vid-hoc'h 'wa dispar :
 Karet, meuli Jézuz.

C'houi zo bêt enn ho pué
Skoazel ar gristenien,
Diwallerez ho gwir fé,
Mirérez ho lézen,
Pa deuaz an impalaër,
Gant hé bêcho euzuz,
Da c'hoantad holl dizober
Enn Iliz glân Jézuz.

Lézenn ann Oan dous ha mad
A wa hoc'h holl studi,
Ho skiant 'wa dreist ho oad,
Ho klevet 'wa dudi,
Dré-z-hoc'h ar Speret Zantel
A neuz sklerijennet
Tud a skiant kent mervel
Ha d'ann envo kaset.

Ho pried 'wa ho Zalver
Hag ho pinvidigez ;
Ar peurest, évit-hoc'h skler,
A wa holl tromplerez.
Kurunen ar gwerc'hézed,
Dreist aour hag enorio,
A wa gan-ec'h hu karet ;
Jézuz 'wa hoc'h Otro.

War ho tâl diou gurunen
A felle d'éc'h kaet,
Unan meurbed kaër ha gwenn,
Eunn all gant gwad ruziet.
Trec'h ho pourrev hé unan,
Dré ho tiskadurez,
Heuz bêt ' baz er Vro diboan
Loden ar verzérez.

Spéréjo sélestiel
War ménez Sinaï
Deuz douget war ho c'haskel
Korf bugel pur Mari.
Evel hon Zalver Jézuz
Hoc'h bét merzériet,
War lerc'h ann Oanik skeduz
Gwerc'hez ive kerzfét.

Troet éta ho sello
War-n-omp ho pugalé,
Plijet kas hon pédenno
Bété kalon Doué.
Reit d'emp ni gwir sklerijen
Ar fé hag fizians,
Ma momp deuz ar gwir gristen
Ar c'haëra espérans.

Patronez karantézuz,
Distaget hon c'halon
Deuz treo ar bed ma riskuz,
Leun a demptasion,
Ma teui ann diskadurez,
Roet gant hon Zalver,
Enn hon iné da rei frouez,
Da vean d'emp holl kér.

Gret ma teui hon inéo,
Dre Jezuz ha Mari
Da lugerni a c'hraso,
Glân ével hoc'h hini :
Ma c'halfomp ni hon unan,
Enn baradoz Doue,
Joauz heul dré holl an Oan,
Béva deuz hé vue.

Gwerc'hez zantel, truézuz,
Klevet ouz hon péden,
Eur c'hlenvet ankéniuz
War-n-omp-ni a boez krenn :
Plijet d'ho Mestr éternel
Kas hon huanado :
War hon anken gret eur zell,
Dizéc'het hon daëro.

Attribué à Mr SALIOU, vicaire de LA ROCHE, nisi forsan le dernier couplet ajouté en suite

Rei à réomp daou-ugent devez induljansou da gément-hini a gano ar c'chantik ma gant gwir déoliez.

† AOGUSTIN.

Eskop Sant-Brieg ha Landreger.

